

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02- 572/26
Vareš, 16.04.2026 godine

P R O G R A M

POTICAJA U POLJOPRIVREDNOJ PROIZVODNJI UTVRĐENIH BUDŽETOM OPĆINE VAREŠ ZA 2026. GODINU

Podaci o Programu:

Program odobren od strane Općinskog načelnika dana	14.04. 2026. godine
Period realizacije Programa:	2026. godina
Kraj roka realizacije:	31.12.2026. godine
Ukupna vrijednost Programa:	75.000,00 KM

I - UVOD:

Vrijednost Programa poticajnih mjera za 2026. godinu je sljedeći:

Obzirom na uslove naše lokalne zajednice u kojima se obavlja poljoprivredna proizvodnja (usitnjenost posjeda, navike ljudi i dr.) malo je naših poljoprivrednika koji po svom obimu proizvodnje mogu ostvariti novčane podrške po Federalnim ili Kantonalnim Programima poticajnih mjera.

Iz gore navedenog razloga, kao i iz preporuka usvojene Strategije razvoja poljoprivredne proizvodnje za općinu Vareš za period 2018-2024 godina, kao i u narednim godinama potrebno je da se u Budžetu Općine planiraju sredstva za novčane podrške poljoprivrednim proizvođačima.

Takođe u okviru Strategije razvoja Općine Vareš za period 2017-2026, odjeljak IV tačka 1.3.9. – poljoprivreda, u kojoj poljoprivredna proizvodnja kao nedovoljno iskorištena razvojna komponenta općine Vareš zauzima značajno mjesto, sa prevashodnim ciljem ostanka ruralnog stanovništva na selu i povećanja zaposlenosti i životnog standarda stanovništva ruralnih područja.

U okviru usvoje Strategije razvoja poljoprivredne proizvodnje za period 2018-2024 godina, kao i u narednom periodu definisan je stalni i opći operativni cilj pod

adresa: Zvijezda 34, 71330 Vareš
tel: 00387 32 848 100
fax: 00387 32 848 150

depozitni broj: 3380002210017420
web: www.vares.info
e-mail: vares@bih.net.ba

nazivom "Unaprijediti uslove za razvoj poljoprivredne proizvodnje u općini Vareš kroz program "Uvođenja poticajnih mjera u oblasti poljoprivrede".

Analizom utroška novčanih sredstava za ostvarivanje poticaja u poljoprivrednoj proizvodnji za 2025 godinu, nadležna općinska služba je napravljenom analizom utroška sredstava, kao i u međusobnom razgovoru sa poljoprivrednicima ustanovila da su poljoprivredni proizvođači uglavnom zadovoljni sadašnjim obimom poticajnih stavki u poljoprivrednoj proizvodnji.

U Programu poticaja za 2026 godinu nadležna općinska služba je kroz razgovor sa poljoprivrednim proizvođačima koji se nalaze u sistemu otkupa mlijeka, čiji se broj stalno povećava a koji ostvaruju federalnu premiju za mlijeko, na njihov prijedlog i u 2026 godini u stavki poticaja u biljnoj proizvodnji – proizvodnja žitarica ostavila poticaj za proizvodnju silaže, (silažni kukuruz i silaža od drugih žitarica) na vlastitom gazdinstvu u svrhu kvalitetnije ishrane muznih grla koje su u sistemu otkupa mlijeka..

Nadležna općinska služba predložila je načelniku da novčani iznos poticaja kod svih stavki u Programu poticaja za 2026 godinu ostane isti kao i predhodne godine, iz razloga što je ukupna suma novčanih sredstva iz Budžeta općine za poticaje u poljoprivrednoj proizvodnji ostala ista kao i predhodne godine a takođe i iz razloga što kasni isplata poticaja poljoprivrednim proizvođačima iz predhodnih godina. (2024 i 2025)

Prijedlog općinske službe je podržao i načelnik, tako da su sve stavke u Programu poticaja za 2026 godinu iz gore navedenih razloga ostale iste.

Uvođenjem općinskih poticaja u poljoprivrednoj proizvodnji i njihovom redovnom isplatom poljoprivrednim proizvođačima općina Vareš nastoji svake godine održati stvoreni povoljniji ambijent za tržišni razvoj poljoprivrede kao i seoskog i eko turizma.

U tom smislu u okviru Općinskog Budžeta i u 2026 godini je izdvojen određeni iznos sredstava za ovu namjenu u visini od 75.000,00 KM. Ova stavka u Budžetu općine biće realizovan isključivo kroz vlastito učešće općine u finansiranju Programa općinskih poticajnih mjera u poljoprivredi, dok će se implementacija dogovorenih projekata iz oblasti poljoprivrede i u 2026 godini finansirati iz stavke Budžeta - Učešće u zajedničkim projektima.

U izradi Programa za 2026. godinu uvažavali su se slijedeći parametri:

- proizvodne resursne mogućnosti Općine Vareš,
- programske obaveze Općinskog načelnika,
- analiza Programa (Nacrt programa) novčanih podrški FBiH,
- analiza Programa novčanih podrški Ze-do kantona,
- sugestije učesnika u sektoru poljoprivrede,
- podaci sa terena,
- visina sredstava koja su predviđena Budžetom Općine Vareš,
- ostale odrednice.

Na osnovu svih, u uvodu navedenih parametara, urađen je Program utroška sredstava sa kriterijima raspodjele sredstava, stavka 614515 - "Poticaj za razvoj poljoprivredne proizvodnje", utvrđenih Budžetom Općine Vareš za 2026. godinu.

II - KRITERIJI ZA RASPODJELU SREDSTAVA

Odobrena finansijska sredstva iz Budžeta Općine Vareš "Subvencije za razvoj poljoprivrede" će se raspoređivati prema slijedećim opštim i posebnim kriterijima i to:

1. Opšti kriteriji:

Pravo na ostvarivanje novčane podrške stiču

- korisnici sa stalnim prebivalištem na području Općine Vareš
- korisnici koji su ostvarili primarnu poljoprivrednu proizvodnju na teritoriji Općine Vareš.
- Korisnici koji su upisani u Registar PPG, Registar klijenata i Registar pčelara i pčelinjaka u nadležnoj općinskoj službi
- Korisnici koji su izvršili ažuriranje podataka za tekuću godinu u Registru PPG i Registru pčelara

2. Posebni kriteriji

- korisnici koji po bilo kojem osnovu nisu izmirili svoje dugovanja prema općini Vareš neće moći ostvariti pravo na poticaje
- nepotpuni, neblagovremeni i izvan propisane procedure dostavljeni zahtjevi neće biti uzeti u razmatranje
- korisnici koji ispunjavaju posebno propisane kriterije predviđene ovim Programom i Uputstvom o ostvarivanju novčanih podrški za poljoprivrednu proizvodnju u 2026. godini, koje donosi Općinski načelnik.

A) Animalna proizvodnja

1. Farme muznih krava

Pravo na premiju imaju korisnici koji imaju tradiciju u držanju muznih krava i koji posjeduju na svom gazdinstvu od 2 muzna grla čiste pasminske linije (montafonska pasmina muznih krava, simentalska, holštajn-frizijska i druge čiste pasminske linije muznih krava) i ostala muzna grla (ukrižane pasmine i Bosanska Buša) pa do najviše 7 muzna grla starijih od 24 mjeseca (2 godine). Iznos podrške je 160,00 KM po muznoj kravi.

2. Uzgoj rasplodnih junica

Pravo na novčanu podršku za uzgoj rasplodnih junica imaju korisnici koji na svom gazdinstvu imaju u uzgoju steonu junicu koja je steona najmanje 3 mjeseca, koja je osjemenjena vještačkim putem ili prirodnom pripustom. Podrška će se davati za 1

steonu junicu tj. do nivoa koji se potiče kroz Federalni program poticajnih mjera. (2 steone junice). Iznos podrške je 160.00 KM.

3. Kontrola zdravlja vimena muznih krava

Pravo na ostvarivanje subvencije na kontrolni pregled vimena muznih krava ima Veterinarska stanica Vareš koja je u tekućoj godini izvršila klinički pregled vimena muznih krava i pregled vimena muznih krava brzom štalskom metodom sa CMT-om tj. urađeni mastitis test. Iznos podrške za urađeni mastitis test muznog grla je 15 KM po grlu.

4. Podrška u finansiranju provođenja obaveznih mjera - goveda

Sufinansira se provođenje obaveznih dijagnostičkih mjera za 2026 godinu goveda sa 35 KM/grlu, kod farmera sa prebivalištem na području općine Vareš, a čiji proizvodi idu u javnu potrošnju. Subvencija se odnosi na pregled svih goveda na bolesti koje će biti obuhvaćene Naredbom o mjerama kontrole zaraznih i parazitarnih bolesti životinja Ureda za Veterinarstvo BiH za 2026 godinu Tuberkuloza, Enzootska leukoza, Bruceloza.

5. Sufinansiranje vještačkog osjemenjavanja junica i muznih krava

Pravo na ostvarivanje subvencije na vještačko osjemenjivanje junica i muznih krava bi ostvarivali svi farmeri koji putem Veterinarske stanice Vareš urade sjemenjenje svojih junica i muznih krava. Iznos poticaja za sjemenjenje muznog grla je 30 KM po grlu.

Nakon urađenog vještačkog osjemenjivanja kod farmera Veterinarska stanica Vareš je dužna dostaviti nadležnoj općinskoj službi dokumentaciju propisanu Uputstvom za ostvarivanje poticaja (kvartalno). Sufinansiranje vještačkog osjemenjavanja junica i muznih krava se odnosi na cijelu 2026 godinu.

6. Preventiva mjera pregleda mesa domaćih i divljih živ. na trihinelozu

Pravo na poticaj ima Veterinarska stanica Vareš koja je izvršila pregled mesa na trihinelozu metodom digestije. Ove mjera se odnosi na domaće i divlje životinje. Iznos podrške je 10 KM po pregledanom uzorku.

7. Osnovno stado ovaca/koza

Pravo na premiju imaju korisnici koji imaju tradiciju u držanju ovaca/koza i u osnovnom stadu imaju najmanje 10 odraslih ovaca ili 10 koza (bez jagnjadi/jaradi) pa do nivoa koji se potiče kroz Federalni program poticajnih mjera (50 ovaca odnosno 25 koza i više). Podrška će se davati za osnovna stada koja broje najviše 49 odraslih ovaca odnosno 24 odrasle koze (bez jagnjadi/jaradi) tj. do nivoa koji se potiče kroz Federalni program poticajnih mjera. Iznos podrške je 16,00 KM/grlo.

8. Proizvodnja konzumnih jaja

Pravo na premiju imaju korisnici koji se bave proizvodnjom konzumnih jaja na vlastitom gazdinstvu. Podrška će se davati za one poljoprivredne proizvođače koji

imaju u uzgoju namanje 300 koka nosilja pa do nivoa koji se potiče kroz Kantonalni poticaj (1500 i više). Svi korisnici koji imaju više od 1500 koka nosilja neće moći ostvariti općinski poticaj, jer imaju mogućnost ostvarivanja kantonalnog poticaja. Iznos podršk je 1,00 KM po jednoj koki nosilji.

9. Podrška za držanje pčelinjih društava

Pravo na ostvarivanje subvencije na držanje pčelinjih zajednica će ostvariti pčelari koji su članovi Udruženja pčelara „Polen“ Vareš koji u držanju imaju najmanje 3 a najviše 50 košnica pčela. Iznos podrške je 13 KM po košnici. Korisnici koji imaju više od 50 košnica pčela mogu ostvariti poticaj za najviše 50 košnica pčela.

10. Pregled pčelinjaka na Američku gnjiloću pčela

Pravo na ostvarivanje subvencije na pregled pčelinjaka na Američku gnjiloću pčela ima Veterinarska stanica Vareš koja je izvršila klinički pregled pčelinjaka na Američku gnjiloću pčelinjeg legla (AGPL) Iznos podrške je 5 KM po pregledanoj košnici.

B) Biljna proizvodnja

1. Proizvodnja žitarica (pšenica, ječam, zob, raž, tritikale, kukuruz, kukuruz za silažu, ostala silaža i heljda) - proizvođači koji na svojim imanjima ostvare u 2026 godini samo jednu od, dole navedenih proizvodnji (u monokulturi). Minimalna površina koja će se poticati je 0,1 ha a maksimalna 0,5 ha. Svi korisnici koji su posijali više od 0,5 ha žitarica će ostvariti poticaj maksimalno za 0,5 hektara. Visina novčane podrške je: Pšenica 110,00 KM/dul, Ječam, Zob, Raž, Tritikale Kukuruz i Heljdu 80,00 KM/dul, silažni kukuruz, ostale silažne žitarice 60 KM/dul

2. Proizvodnja povrća i ljekobilja:

- Konzumni krompir – minimalna površina koja će se poticati je 0,1 ha, a maksimalna 0,5 ha. Svi korisnici koji su posijali više od 0,5 ha krompira će ostvariti poticaj maksimalno za 0,5 hektara. Iznos podrške za proizvodnju krompira je 90,00 KM/dul.

- luk crveni – minimalna površina koja će se poticati je 0,5 duluma, a maksimalna je 3 duluma. Iznos podrške je 90,00 KM/dul.

- luk bijeli – minimalna površina za podsticaj je 0,3 duluma, a maksimalna 3 duluma. Iznos podrške je 110,00 KM/dul.

- grahi i grašak - održavat će se usjev graha i graška zasijan u površini od 0,5 do 3 duluma površine. Iznos novčane podrške za proizvodnju graha je 100,00 KM/dul.

- mrkva – minimalna površina koja će se održavati je 0,3 dunuma a maksimalna 2 duluma. Iznos novčane podrške je 110,00 KM/dul.

- plantažni zasadi ljekobilja - minimalna površina koja će se poticati je 0,5 duluma, a maksimalna je 3 duluma. Iznos podrške je 90,00 KM/dul.

3. Proizvodnja povrća u plastenicima

Podršku za proizvodnju povrća u plastenicima mogu ostvariti poljoprivredni proizvođači sa područja općine Vareš koji zasnuju proizvodnju povrća u vlastitim plastenicima minimalne površine 50m² a maksimalne površine 400m². Zasnovana

proizvodnja u plastenicima koji su predmet ove podrške mora biti na području općine Vareš. Visina podrške za zasnovanu proizvodnju je 2,5 KM/m²

4. Zasnivanje novih zasada voća (visokostablašica) – Podršku za zasnivanje novih plantažnih zasada voća (visokostablašica – jabuka, kruška, šljiva, trešnja, višnja) mogu ostvariti poljoprivredni proizvođači sa područja općine Vareš (čije se parcele nalaze na području općine Vareš) koji na vlastitom zemljištu ili zemljištu uzetom pod zakup u najmanjem periodu od 10 godina zasade u toku 2025 i 2026 godine novi plantažni zasad voća (visokostablašica) u površini od 1 dunuma. Novi zasadi koji budu podignuti a veći su od 1 dunuma će se obračunavati kao poticaj na zasad od 1 dunuma. Iznos podrške za poluintenzivne plantažne zasade je 400 KM/dunumu, a za intenzivne plantažne zasade je 600 KM/dunumu.

III Način ostvarivanja novčanih podrški u primarnoj poljoprivrednoj proizvodnji

Novčane podrške u primarnoj poljoprivrednoj proizvodnji ostvaruju poljoprivredni proizvođači koji ispunjavaju uslove propisane ovim Programom i Uputstvom koje će donijeti općinski načelnik u roku od 10 dana od dana davanja saglasnosti od strane Općinskog vijeća Vareš na ovaj Program.

Poljoprivredni proizvođači podnose zahtjev sa propisanom dokumentacijom Službi nadležnoj za poslove poljoprivrede.

Nakon prijema zahtjeva Služba nadležna za poslove poljoprivrede utvrdit će njegovu formalno - pravnu ispravnost (opravdanost, potpunost i blagovremenost). Zahtjevi koji budu ispunjavali formalno-pravne uslove uputit će se nadležnoj službi da utvrdi činjenice na terenu navedene u zahtjevu i o izvršenom uviđaju napraviti će pismeni zapisnik. Na osnovu zapisnika i druge priložene dokumentacije nadležna služba izvršit će obračun podrške i obavijestiti stranku o ostvarenom pravu. Zahtjevi koji ne ispunjavaju formalno-pravne uslove odbacit će se kao ne osnovani.

SVRHA PROGRAMA

Svrha Programa je:

- povećanje obima proizvodnje,
- podsticanje tržišne proizvodnje poljoprivrednih proizvoda
- zadovoljavanje potreba domaćeg (lokalnog) tržišta vlastitim poljoprivrednim proizvodima,
- obezbjeđenje sredstava i poljoprivrednih proizvoda za potrebe vlastitog domaćinstva,
- unaprijeđenje ruralnog razvoja.
- Poboljšanje uslova uzgoja domaćih životinja u lokalnoj zajednici, stvaranje uslova za povećanje broja grla krupne i sitne stoke u uzgoju na Porodičnim poljoprivrednim gazdinstvima (PPG), a sve u cilju proizvodnje zdrave hrane i ostvarivanja dodatnih prihoda PPG

Predviđene novčane podrške su ekonomskog karaktera koje priznaju robnu proizvodnju kod farmera i stvaraju uslove za prodaju proizvoda na domaćem tržištu.

IV VISINA SREDSTAVA

Iznos sredstava odobrenih Budžetom Općine Vareš za 2026. godinu je 75.000 KM.

V IZVORI SREDSTAVA

Izvor sredstava za realizaciju Programa je Budžet Općine Vareš za 2026. godinu, stavka (konto) 614515 Podsticaj za razvoj poljoprivredne proizvodnje, planirana sredstva u iznosu od 75.000,00 KM.

VI REALIZACIJA PROGRAMA

Program će se realizovati po Uputstvu za ostvarivanje novčanih podrški za 2026 godinu sa potrebnim obrascima, koje će donijeti Općinski načelnik.

Obrađivač akta

Dragan Orozović

DOSTAVLJENO:

1 x 02/I

1 x Arhiva

OPĆINSKI NAČELNIK

Malik Rizvanović